

ბორჯომის მუნიციპალიტეტი



**ქ. ბორჯომში შუენიშნების მოწყობის საპროექტო-სახარჯთაღრიცხვო
დოკუმენტაციის შედგენის მომსახურების გამარტივებული
ელექტრონული ტენდერი**

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების საფუძველზე.

ქ. ბორჯომი 2016 წელი

1. პრეტენდენტმა უნდა წარმოადგინოს (სისტემაში ატვირთოს) შემდეგი ტექნიკური დოკუმენტაცია:

- ა) პრეტენდენტის რეკვიზიტები **დანართი #1**-ის მიხედვით;
- ბ) სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი **დანართი #2**-ის მიხედვით;
- გ) ინფორმაცია გამოცდილების შესახებ **დანართი # 3**-ის მიხედვით;

2. მომსახურების გაწევის პირობები და ვადები:

- ა) მიწოდების ვადა: ხელშეკრულების გაფორმებიდან 40 კალენდარული დღე (ექსპერტიზის დასკვნის წარმოდგენის ვადის ჩათვლით).
- ბ) მიმწოდებელი ვალდებულია მიღება-ჩაბარების აქტის გაფორმებამდე საკუთარი ხარჯებით წარმოადგინოს სსიპ „ლევან სამხარაულის სახელობის ექსპერტიზის ეროვნული ბიუროს“ ან სხვა აკრედიტირებული პირის მიერ გაცემული საექსპერტო დასკვნა ხარჯთაღრიცხვაზე. მიღება-ჩაბარების აქტი გაფორმდება ექსპერტიზის დადებითი დასკვნის წარმოდგენის შემთხვევაში.

3. ანგარიშსწორების პირობები

- ა) ანგარიშსწორება მოხდება უნაღდო ანგარიშსწორებით ლარში.
- ბ) მიმწოდებელთან ანგარიშსწორება განხორციელდება ერთიანად ფაქტიურად წარმოდგენილი საპროექტო დოკუმენტაციისა და საექსპერტო დასკვნის მიღება-ჩაბარების აქტის და საქართველოს კანონმდებლობით გათვალისწინებული დოკუმენტაციის წარმოდგენიდან 15 სამუშაო დღის განმავლობაში.
- გ) წინასწარი გადახდის მექანიზმი არ გამოიყენება;

4. ხელშეკრულების პირობების შეუსრულებლობა

- ა) ხელშეკრულებით ნაკისრი ვალდებულებების შეუსრულებლობისა ან/და დაგვიანებით შესრულების შემთხვევაში, ყოველ დაგვიანებული დღისათვის მიმწოდებელს ეკისრება პირგასამტეხლო ხელშეკრულების ფასის 0,3 % პროცენტის ოდენობით.
- ბ) იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ფასის 3% პროცენტს, შემსყიდველს უფლება აქვს შეწყვიტოს ხელშეკრულება. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.
- გ) ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 5 % ოდენობით.

5. გამოცდილება

- ა) პრეტენდენტს უკანასკნელი 2 წლის (2014-2015) განმავლობაში უნდა გააჩნდეს არანაკლებ 5 შუქნიშანის მოწყობის საპროექტო დოკუმენტაციის შემუშავების გამოცდილება და წარმოადგინოს აღნიშნული პროექტის შესრულების დამადასტურებელი დოკუმენტაცია (შესრულებული პროექტების ასლი და გაფორმებული ხელშეკრულებებისა და ამ ხელშეკრულებ(ებ)ის შესრულების დამადასტურებელი დოკუმენტ(ებ)ის მიღება-ჩაბარების

აქტი ან სხვა);

ბ) ინფორმაცია წარმოდგენილი უნდა იყოს დანართი #3-ის შესაბამისად.

6. სატენდერო წინადადების ფასი

ა) სატენდერო წინადადების ფასი წარმოდგენილ უნდა იყოს დანართი #2-ის მიხედვით;

ბ) სატენდერო წინადადების სავარაუდო ღირებულება შეადგენს 3000 ლარს დღგ-ს გარეშე.

გ) დაფინანსების წყარო: ადგილობრივი ბიუჯეტი;

დ) სატენდერო წინადადების ღირებულება უნდა მოიცავდეს ამ ტენდერით გათვალისწინებული მომსახურების სრულყოფილად გაწევასთან დაკავშირებულ ყველა ხარჯს (ტრანსპორტირება, ორგანიზაციის ზედნადები ხარჯები, მოგება და სხვა). ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.

ე) სატენდერო წინადადების ფასი სახელმწიფო შესყიდვების ერთიანი ელექტრონულ სისტემაში მითითებული უნდა იქნას დღგ-ს გარეშე (იმის მიუხედავად არის თუ არა პრეტენდენტი დღგ-ს გადამხდელად რეგისტრირებული). თუ გამარჯვებული პრეტენდენტი ხელშეკრულების დადებისას იქნება რეგისტრირებული დღგ-ს გადამხდელად (რაზეც წარმოდგენილი უნდა იქნას შესაბამისი ცნობა), ხელშეკრულებაში დამატებით იქნება გათვალისწინებული დღგ-ს ოდენობა;

ვ) ტენდერში ელექტრონული ვაჭრობის შედეგად ყველაზე დაბალი ფასის მქონე პრეტენდენტის მიერ სისტემაში დაფიქსირებული საბოლოო ფასის ტენდერის შესყიდვის ობიექტის სავარაუდო ღირებულებაზე 20%-ზე მეტით კლების შემთხვევაში პრეტენდენტს არ მოეთხოვება ფასწარმოქმნის ადეკვატურობის დასაბუთება, რადგან აღნიშნული საპროექტო - სახარჯთაღრიცხვო დოკუმენტაციის შედგენა ძირითადად მოიცავს ინტელექტუალურ შრომას, რის გამოც პრეტენდენტი უფლებამოსილია ტენდერში დაფიქსირებული საბოლოო ფასი განსაზღვროს გაწეული ინტელექტუალური შრომის შესაბამისად.

7. შესყიდვის ობიექტის ტექნიკური დავალება:

7.1 საგზაო მოძრაობის მონაწილეთა უსაფრთხო და შეუფერხებელი მოძრაობის უზრუნველყოფის მიზნით საჭიროა შუქნიშნის ობიექტების მოწყობის სამუშაოების ჩასატარებლად შედგეს პროექტების შემდეგ მისამართებზე:

1. ქ. ბორჯომში რუსთაველის ქუჩა #2-ს მიმდებარედ ე.წ „ჩარხის წყლის ხიდთან;
2. ქ. ბორჯომში რუსთაველის ქ.# 55-ში მეექვსე საჯარო სკოლის მიმდებარედ;
3. ქ. ბორჯომში რუსთაველის ქ. # 97-ში მესამე საჯარო სკოლის მიმდებარედ;

7.2 არსებული მდგომარეობის აღწერა

ტენდერით გათვალისწინებულ მისამართებზე დღეის მდგომარეობით არ არსებობს რეგულირებადი შუქნიშნის ობიექტი.

7.3 პროექტის მიზანი

მოცემულ 3 (სამ) მისამართზე საჭიროა ინოვაციური მოწყობილობების დანერგვა და საჭიროების შემთხვევაში საგზაო მოძრაობის გაუმჯობესების მიზნით გზის გეომეტრიული პარამეტრების შეცვლა.

7.4 მიმწოდებლის მიერ გასაწევი მომსახურება:

ა) შუქნიშნების მართვის კონფიგურაციის და პარამეტრების შემუშავება თითოეული მისამართისთვის, მათ შორის ფაზების და მათი მიმდევრობის, კონფლიქტური მატრიცების და ფაზებს შორის დროის ინტერვალის განსაზღვრა.

ბ) თითოეული მისამართისთვის სულ მცირე 2 (ორი) ფიქსირებული დროითი გეგმის შემუშავება.

გ) ტექნიკური სპეციფიკაციების შემუშავება პერიფერიული მოწყობილობებისთვის, როგორც არის შუქნიშანი, საგზაო კონტროლერი, სამეთვალყურეო კამერა გზის მონიტორინგისათვის (საჭიროების შემთხვევაში) და სხვა აუცილებელი ტექნიკა;

7.5 პროექტის ელემენტებია:

ა) არსებული მონაცემების მიმოხილვა.

ბ) გზის პარამეტრების შეცვლა (თუ მისი საჭიროება წარმოიქმნება);

გ) გზაზე დამონტაჟებული უნდა იქნეს ახალი და თანამედროვე პერიფერიული მოწყობილობები.

შუქნიშნების დამაკავშირებელი ელ. სადენები (კაბელი) გაყვანილი უნდა იქნეს მიწისქვეშ. იქ სადაც ელექტრო სადენები გადის ღია ადგილებში, საჭიროა გაუკეთდეს საიზოლაციო მასალა ისე რომ სქემატურად ამოსაცნობი იყოს. ელექტროგაყვანილობა უნდა განხორციელდეს უსაფრთხოების აღჭურვილობით, სადაც თითოეული განშტოება სხვებისაგან უნდა განცალკავდეს, მოსალოდნელი დაზიანების ადვილად მოსაძებნად. ჩამარბული უტილიტები, როგორცაა ელექტრო სადენები, საკომუნიკაციო კაბელები, მილები ან დრენაჟები ისე უნდა მოეწყოს, რომ თავიდან იქნეს აცილებული მათი დაზიანება. ხოლო მათი მწყობრიდან გამოსვლის შემთხვევაში ადვილი იყოს მათი შეკეთება ან გამოცვლა.

შუქნიშნებისა და საგზაო ნიშნების დასამონტაჟებლად გამოყენებული უნდა იყოს ლითონის დგარები (ბოძები). თითოეულ ბოძს უნდა ჰქონდეს ადგილები ელექტრო სადენების, მავთულების დასამონტაჟებლად, დამიწების მოწყობილობის ჩათვლით. ბოძებს უნდა ჰქონდეს შესაბამისი კონსტრუქცია მოწყობილობების სწრაფი და იოლი დემონტაჟის მიზნით, უნდა იძლეოდეს აწყობისა და დაშლის შესაძლებლობებს. ბოძების პარამეტრები გაანგარიშებული უნდა იყოს ქარით დაცვით გამოწვეულ მღუნავ მომენტზე.

შუქნიშნები და საგზაო ნიშნები ისე უნდა იქნეს განთავსებული, რომ მათი დანახვა შესაძლებელი იყოს მინიმუმ 100 მეტრის მანძილიდან. დაცული უნდა იყოს გარე მოვლენების ზემოქმედებისგან.

მომწოდებელმა უნდა შეადგინოს შესასრულებელი სამუშაოების ხარჯთდრიცხვა საქართველოში მოქმედი სამშენებლო ნორმებისა და სტანდარტების მოთხოვნების გათვალისწინებით.

ყველა სქემა, ნახაზი, ტექსტი, ცხრილები და ილუსტრაციები უნდა მომზადდეს გასაგებად და ლაკონურად. არცერთი დოკუმენტი არ უნდა მოიცავდეს შეუსაბამო და ბუნდოვან ინფორმაციას. ნახაზები დაცული უნდა იქნეს პლასტიკურ ფაილებში.

პროექტები წარმოდგენილი უნდა იქნეს 3 (სამი) ეგზემპლარად ქართულ ენაზე ელექტრონულ ვერსიასთან ერთად. ნახაზები უნდა იყოს PDF ფორმატში და თითოეული ფაილის ზომა არ უნდა აღემატებოდეს 4 მბ-ს.

მიმწოდებელი ვალდებულია მის მიერ შედგენილი პროექტის მიხედვით, შუქნიშნის მოწყობის სამუშაოების მიმდინარეობისას განახორციელოს მშენებლობაზე ზედამხედველობა, საჭიროების შემთხვევაში, მიმწოდებლებთან შეთანხმებით, შეიტანოს პროექტში შესწორებები და დამატებები. პროექტის მიხედვით განსახორციელებელი სამუშაოების შესყიდვის მიზნით გამოცხადებული ტენდერის მიმდინარეობის პროცესში კი უზრუნველყოს კითხვებზე პასუხების მიწოდება ბორჯომის მუნიციპალიტეტის არქიტექტურისა და მშენებლობაზე ზედამხედველობის განყოფილებას.

მიმწოდებელმა საკუთარი ხარჯებით უნდა უზრუნველყოს სსიპ „ლევან სამხარაულის სახელობის ექსპერტიზის ეროვნული ბიუროს" ან სხვა აკრედიტირებული პირის მიერ გაცემული სრული საპროექტო დოკუმენტაციის საექსპერტო დასკვნის მომზადება. საპროექტო დოკუმენტაცია და საექსპერტო დასკვნა მიმწოდებელმა უნდა წარმოადგინოს ერთდროულად.

8 დამატებითი ინფორმაცია

ა) სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. ქ. ბორჯომი, მესხეთის #5 . საკონტაქტო პირი: ინგა მჭედლიძე და ეკა ლონდარიძე ტელ: +995 367 224499- 22 33 55 (109)

9. სახელმწიფო შესყიდვის შესახებ ხელშეკრულების პროექტი

ხელშეკრულება სახელმწიფო შესყიდვის შესახებ

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

წინამდებარე ხელშეკრულება დაიდო _____

2016 წ.

ერთის მხრივ ბორჯომის მუნიციპალიტეტი (შემდგომში `შემსყიდველი`)

და მეორეს მხრივ _____

(მიმწოდებლის დასახელება და რეკვიზიტები)

(შემდგომში `მიმწოდებელი`) შორის.

იმის გათვალისწინებით, რომ შემსყიდველმა ჩაატარა გამარტივებული ელექტრონული ტენდერი ქ.ბორჯომის ტერიტორიაზე შუქნიშნების მოწყობის საპროექტო სახარჯთაღრიცხვო დოკუმენტაციის შედგენის მომსახურების შესყიდვაზე რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება გაუწიოს შემსყიდველს ზემოაღნიშნული მომსახურება შემდეგ თანხით:

(ხელშეკრულების თანხა ციფრებით, სიტყვიერად და ვალუტის ჩვენებით)

(შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 ხელშეკრულება სახელმწიფო შესყიდვის შესახებ (შემდგომ – `ხელშეკრულება`) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 ხელშეკრულების ღირებულება ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.3 შემსყიდველი ორგანიზაცია (შემდგომ – `შემსყიდველი`) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4 `მიმწოდებელი` ნიშნავს პირს, რომელმაც მოიპოვა გამარჯვება ტენდერში და უწევს მომსახურებას სახელმწიფო შესყიდვის შესახებ მოცემული ხელშეკრულების ფარგლებში;

1.5 `დღე`, `კვირა`, `თვე` ნიშნავს კალენდარულ დღეს, კვირას, თვეს.

2. ხელშეკრულების საგანი

2.1 ხელშეკრულების საგანს წარმოადგენს ქ.ბორჯომის ტერიტორიაზე შუქნიშნების მოწყობის საპროექტო სახარჯთაღრიცხვო დოკუმენტაციის შედგენის მომსახურების შესყიდვა;

2.2 ხელშეკრულებით გათვალისწინებული მომსახურების დეტალური აღწერა მოცემულია ტექნიკურ პირობებში.

3. ხელშეკრულების ღირებულება

3.1 შესასრულებელი სამუშაოების ჯამური ღირებულება შეადგენს _____ ლარს.

3.2 ხელშეკრულების საერთო ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. სტანდარტები

4.1 ხელშეკრულების ფარგლებში გაწეული მომსახურება უნდა შეესაბამებოდეს ტექნიკურ პირობებში მითითებულ სტანდარტებს.

5. ხელშეკრულების შესრულების კონტროლი

5.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება) მიმწოდებლის მიერ ნაკისრი ვალდებულებების შესრულებაზე, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნასთან;

5.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული მომსახურების და წუნდების მიზეზების მითითებით;

5.3. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით;

5.4. ხელშეკრულების ინსპექტირებას შემსყიდველის მხრიდან განახორციელებს მუნიციპალიტეტის არქიტექტურისა და მშენებლობაზე ზედამხედველობის განყოფილება.

6. მომსახურების გაწევის პირობები

6.1 მომსახურების გაწევა ხორციელდება ხელშეკრულების ხელმოწერის დღიდან 40 დღის ვადაში.

6.2. ხელშეკრულების დამდებ არც ერთ მხარეს არა აქვს უფლება შეიტანოს ცვლილებები მომსახურების გაწევის ვადაში მეორე მხარესთან შეთანხმების გარეშე.

7. შესყიდვის ობიექტის მიღება-ჩაბარების წესი

7.1 შესყიდვის ობიექტის მიღება-ჩაბარება მოხდება ერთიანად არქიტექტურისა და მშენებლობაზე ზედამხედველობის განყოფილების მიერ გაფორმებული მიღება-ჩაბარებას აქტის საფუძველზე.

8. ანგარიშსწორება და ვალუტა

8.1. ანგარიშსწორება განხორციელდება აღნიშნული მომსახურების გასაწევად ადგილობრივი ბიუჯეტიდან, მიზნობრივად გამოყოფილი თანხების შესაბამისად. რისთვისაც მიმწოდებელმა უნდა წარმოადგინოს საქართველოს კანონმდებლობით გათვალისწინებული შესაბამისი დოკუმენტაცია. წინააღმდეგ შემთხვევაში, შემსყიდველს უფლება აქვს უარი თქვას ანგარიშსწორებაზე;

8.2. ანგარიშსწორება მოხდება უნაღდო ანგარიშსწორებით ლარში.

8.3 მიმწოდებელთან ანგარიშსწორება განხორციელდება ერთიანად ფაქტიურად გაწეული მომსახურების მიღება-ჩაბარების აქტის და შესაბამისი საქართველოს კანონმდებლობით გათვალისწინებული დოკუმენტაციის წარმოდგენიდან 15 სამუშაო დღის განმავლობაში.

8.4 წინასწარი გადახდის მექანიზმი არ გამოიყენება;

9. ფასები

9.1 შემსყიდველის მიერ ხელშეკრულებაში მითითებული ფასები არ უნდა აღემატებოდეს მიმწოდებლის მიერ სატენდერო წინადადებაში მითითებულ ფასებს (დღგ-ს გარდა).

9.2 ხელშეკრულების ღირებულების პარამეტრის შეცვლა ხელშეკრულების მოქმედების მთელი პერიოდის განმავლობაში დაუშვებელია, თუკი ამ ცვლილების შედეგად იზრდება ხელშეკრულების ჯამური ღირებულება ან შემსყიდველისათვის უარესდება ხელშეკრულების პირობები. გარდა იმ შემთხვევისა, თუკი ხელშეკრულების შესრულების პროცესში დადგინდა, რომ მასში გათვალისწინებული პირობები არ აკმაყოფილებს თანამედროვე პროგრესულ მოთხოვნებს და ორივე მხარემ გამოთქვა თანხმობა და სურვილი შეიტანონ სათანადო შესწორება ხელშეკრულების პირობებში.

9.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

10.2. თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. უფლებების გადაცემა

11.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები.

12. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

13. მხარეთა უფლება-მოვალეობები

13.1. შემსყიდველი უფლებამოსილია:

– მომსახურების დასრულებამდე ნებისმიერ დროს მოითხოვოს მიმწოდებლისგან მისთვის საჭირო ინფორმაცია.

13.2 შემსყიდველი ვალდებულია:

– უზრუნველყოს მიმწოდებლის მიერ გაწეული მომსახურების ანაზღაურება ხელშეკრულებით გათვალისწინებული ვადების და პირობების დაცვით.

13.3 მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

13.4 მიმწოდებელი ვალდებულია დროულად და კეთილსინდისიერად შეასრულოს ხელშეკრულებით ნაკისრი ვალდებულებები.

14. ხელშეკრულების პირობების შეუსრულებლობა

14.1. თუ მიმწოდებელი:

ა) არ დაიწყებს წინამდებარე ხელშეკრულებით ნაკისრი ვალდებულებების შესრულებას სატენდერო წინადადებით გათვალისწინებულ ვადაში;

ბ) არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;

გ) სისტემატიურად ან/და უხეშად არღვევს ხელშეკრულების პირობებს, შემსყიდველს უფლება აქვს ცალმხრივად შეწყვიტოს ხელშეკრულების მოქმედება. ასევე დააკისროს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად.

14.2. შემსყიდველს უფლება აქვს ცალმხრივად შეწყვიტოს ხელშეკრულების მოქმედება აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრ ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევაში;

14.3. თუ მიმწოდებელი გადააცილებს შემსყიდველის სატენდერო წინადადებით გათვალისწინებულ შესყიდვის ობიექტის მიწოდების ვადას, დაეკისრება პირგასამტეხლო ყოველ ვადაგადაცილებულ დღეზე ხელშეკრულების ჯამური ღირებულების 0.3%-ის ოდენობით.

14.4. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს შეწყვიტოს ხელშეკრულება.

14.5 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 5 % ოდენობით.

14.6. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისადმი;

15. ხელშეკრულების შეწყვეტა

15.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

15.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

15.3 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

16. დაუძლეველი ძალა

16.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეულ პასუხისმგებლობისგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შეუსრულებლობის შეუძლებლობის შესახებ;

16.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

16.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

17. სადაო საკითხების გადაწყვეტა

17.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ორგანიზაციის.

17.2 მხარეები უარს აცხადებენ დავის გაგრძელებაზე სასამართლოში ან/და საარბიტრაჟო ინსტანციაში. დავასთან დაკავშირებული შეთანხმების მიუღწევლობის შემთხვევაში, შემსყიდველს ეძლევა უფლება მიმართოს სააღსრულებო დაწესებულებას (როგორც კერძო აღმასრულებელს, ასევე ეროვნული აღსრულების ბიუროს) ხელშეკრულების მე-14 მუხლით გათვალისწინებული დარღვევის შემთხვევაში. ამ შემთხვევაში აღსრულებასთან დაკავშირებული ყველა ხარჯი ანაზღაურებული იქნება შემსყიდველის მიერ.

18. გამოყენებული სამართალი

18.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

19. ხელშეკრულების ენა

19.1. ხელშეკრულება დაწერილ უნდა იქნეს ქართულ ენაზე. იმ შემთხვევაში თუ ხელშეკრულების მეორე მხარე არის უცხო ქვეყნის წარმომადგენელი მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

20. შეტყობინება

20.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

20.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

21. გადასახადები და დაბეგვრა

21.1 მიმწოდებელი პასუხს აგებს საქართველოს კანონმდებლობით დადგენილი გადასახადის, მოსაკრებლების და სხვა გადასახდელების გადახდაზე.

22. ხელშეკრულების მოქმედების ვადა

22.1. წინამდებარე ხელშეკრულება მოქმედებს და განისაზღვრება ხელშეკრულების დადებიდან 2016 წლის ----- ჩათვლით

22.2. ხელშეკრულება შედგენილია ოთხ ეგზემპლიარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. 1 (ერთი) პირი მიმწოდებელთან და 3 (სამი) პირი შემსყიდველთან.

დანართი #1

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

საბანკო რეკვიზიტები:

პრეტენდენტი _____

დანართი №2

ფასების ცხრილი

(პრეტენდენტის დასახელება)

#	საპროექტო მომსახურების დასახელება	გასაწევი მომსახურების ღირებულება, ლარი	მომსახურების გაწევის ვადა
1	2	3	4
1	ქ. ბორჯომში რუსთაველის ქუჩა #55-ში მეექვსე საჯარო სკოლის მიმდებარედ შუქნიშნის მოწყობის საპროექტო - სახარჯთაღრიცხვო დოკუმენტაციის შედგენის		
2	ქ. ბორჯომში რუსთაველის ქუჩა #97-ში მესამე საჯარო სკოლის მიმდებარედ შუქნიშნის მოწყობის საპროექტო - სახარჯთაღრიცხვო დოკუმენტაციის შედგენის		
3	ქ. ბორჯომში რუსთაველის ქუჩა #2-ის მიმდებარედ ე.წ. „ჩარხისწყლის ხიდთან“ შუქნიშნის მოწყობის საპროექტო - სახარჯთაღრიცხვო დოკუმენტაციის შედგენის		
	სულ ღირებულება		

პრეტენდენტი _____

ინფორმაცია პრეტენდენტის გამოცდილების შესახებ

N	მომსახურების დასახელება (თითოეული ობიექტის მიხედვით)	შემსყიდველის დასახელება	ხელშეკრულების ღირებულება	გაწეული მომსახურების ღირებულება
1				
2				
...				
ჯამი (2014 წელი)				
1				
2				
...				
ჯამი (2015 წელი)				
1				
2				
...				
ჯამი (2015 წელი)				
ჯამი				

პრეტენდენტის ხელმოწერა _____ ბ.ა